

## **4 ALMANACCO MARSO 2023 Maravéje so 'l vestire (DOMENICA 26/03/2023)**

**Adino Libralato, il nostro Vate, ci svela l'origine di alcune "maravéje" sul modo di vestire.**

No ghe jèra argomento che fasese nassar maravéje pì del modo de vestirse. Bastava esar on fià fora dal masso pa fenire soto 'na lengua tajatabari, senpre pronta a trovarghe la soa. "varda quela, la va via vestia co fa 'na poareta del sabo"! Da cossa deriva 'sto discorso? Ne i ani de la meseria ghe jèra chi se vedea costreto a mandare i fioli a carità sperando che li portasse casa qualcosa pa sbarcare 'l lunario. Allora i vestia 'ste pore creature co i vestiti pì veci e sbregai parchè i ghe fasese pietà a chi pasava davanti la cesa o a le boteghe. In particolare questo succedeva al sabo quando la zente 'ndava in cesa a confesarse o a far la spesa in botega. Ma no se salvava gnanca chi passava tirà de lustro "varda quello, vestio da messa granda!". Questo parchè messa granda, ultima o cantada, jèra la messa de i siori. Tuti se metia i mejo vestiti, anca i canpagnoli. Cussì, so un modo o so st'altro, ogni un finia soto la lengua de chi no gavea altro da fare.

*Noale, 20/03/2023  
Adino Libralato*